

中國方志叢書·華北地方·第二一五號

據 民國·聶雨潤等修李泰等纂
民國二十六年鉛印本


影印

陝西 省

大荔縣志稿

(一) 舊

11/2695
成文出版社有限公司印行



10098605

中國方志叢書·華北地方·第三一五號

據


民國·聶雨潤等修李泰等纂
民國二十六年鉛印本

影印

陝西 省

大荔縣志稿

(二) 新



成文出版社有限公司印行

sk78/11



10098606

中華民國五十九年 月壹一版

大荔縣志稿

全二冊

發行人：黃 成 助

出版者：成文出版社有限公司
台北郵政信箱二二六〇五號


台北郵政信箱二二六〇五號
台北市羅斯福路三段279號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

大篆縣齋

卷押豪



民國三十
年三月

續修大荔縣舊志存稿

大篆縣新

也押豪



大荔縣新志存稿

續修大荔縣舊志存稿序

邑之有志猶國之有史夫人而知之矣顧國無不全之史而邑有不備之志何也蓋史則識其大者遠者朝有專官官有專司舉凡禮樂政教之大刑名錢穀之繁典章制度之因革損益類皆分門列舉隨時登錄材料充實人材萃集典雅精確不難致也若夫邑志則不然其事實不過識其小者近者而已無專官無專司無固定之人才無豐裕之財力其取材也或得諸耆舊故老之所傳述或採諸文人學士之所記載一旦年湮代遠故舊凋零簡編殘缺則所謂小者近者亦且散放磨滅無由考稽將欲修之烏從而徵之然而察物性辨土宜觀風問俗悉於志乎是賴是志之功用等於史而修輯之難或且倍於史其不可不及時編纂不亦彰明較著也哉大荔縣志自清光緒五年周公懋臣續修以後去今垂五十餘年矣民國庚午前令陳

公少岩延聘邑耆宿張紆柯先生總司筆政銜前志而修訂之以政變款絀未底於成泊

雨潤

來攝邑篆於文獻委員會得覩疇昔舊稿

詢其究竟知紆老已作古數年分纂王君仲孝李君乾若亦相繼物化六年之中變遷如是爲之憬然者久之繼念採輯斯稿頗費心血如復怠惰遷延不爲之及時整理微論人事滄桑底稿或慮其凌亂散佚蒐集維艱而老師宿儒衰病殂謝益增文獻無徵之感爰迺呈請 上峯籌集貲款除禮聘李寄菴先生爲總纂外又延博學通儒若干人相助爲理凡四閱月與民國新志同時告竣諸公於最短期間成此巨帙勤苦辛勞良足欽佩而陳公及紆老未竟之志

雨潤亦

藉以完成謂非尤堪慶幸者與茲於其將付梓也特弁數言用識緣起及個人之感想者如此

中華民國二十六年一月上浣三原聶雨潤識於大荔縣政府

續修大荔縣舊志存稿序

大荔自設縣以來志凡四修創之者沈公應俞其次則賀公雲鴻熊公兆麟暨余師周公銘旂之數公者皆以名宿爲縣尹兼採訪諸人均極一時之選故其書鉤玄提要均能自出機杼粹然成一家言熊公以海涵地負之才雄視百代取賀書改絃而更張之分圖表志傳爲四門以舉其綱於舊事遺文及災祥之實而足據者別爲足徵錄四卷以附其後而後一邑之地理沿革人才先後古今興廢之故朗若列眉斯誠方志中之僅見者也楸臣師欽其體製謹嚴採擇精當續志之成一循熊志之軌躅其圖表志傳及足徵錄一守成法未嘗稍有變更雖宏通淹雅橫絕一時惟不欲另立門戶自炫己長蓋其意量謙冲大公無我迥非時賢所能厥後調任乾州所修乾志圖表志傳一仍其舊書成州紳王君夢棠攜往池陽求其師賀徵君復齋

先生爲文弁其首賀爲全陝大儒近百年理學之冠著述不僅等身

標

曾親詣清麓謁見數次偶爾談其志乘謂陝西近年各志攷證明

晰搜羅宏富無如周者此可以知其概矣抑余竊有感焉熊志去賀四十餘年周去熊纔二十八年耳其時老成未盡凋謝採訪編纂尙易爲力今去光緒之初五十有餘年矣此五十年中世運之屯邅時局之反覆城郭人民大異疇曩加以中原陸沈四海鼎沸由君主而民主改專制爲共和四顧蒼茫獨立無偶卽欲廣搜博覽兼取衆長而平昔老輩無一存者斯文絕續之交時事艱難之會俯仰流連烏能不廢書三歎矣乎近數年前省憲飭修陝西通志俾各縣設採訪局以補前志之缺

標

曾備員局內事後卽有以續修縣志爲言者自

愧才力薄弱目僅識丁再三推阻加以款項支絀事遂中止戊辰春

夏之交北平陳少岩先生來宰吾邑百廢具舉頌聲交作然戎馬倥

忽未遑及此今歲夏初毅然以籌款自任謂代遠年湮後恐益難措手集衆會議僉無異辭仍以總纂見委而王仲孝朱仲範李乾若康子青諸君分任編輯辭不獲已勉強應命請王朱李康諸人爲我臂助不得徒以分纂各盡職守而置此衰翁於不顧爰自光緒初迄清末彙成一書名曰續修大荔縣舊志存稿民國以來別爲一書取時事之重要者備錄之其零星瑣屑事略述及之以作他日賡續底稿名之曰大荔新志存稿是役也縣長陳公虛懷若谷必欲速觀厥成幸賴同事諸君匡我不逮勉強成帙周志序中有續之焉爾志云乎哉二語標亦守吾師之薪傳步亦步而趨亦趨焉已耳尙何志之足云稿既定遂序其梗概如此

中華民國十九年九月初吉邑人張樹標紆柯謹識

糸介 了 秀 尊 示 才 禾 糸 子

續修大荔縣舊志存稿序

民國戊辰春邑令大城陳公少岩禮聘名宿張紆柯先生續修邑乘並延致朱仲範王仲孝康子青李乾若諸先生分任編纂紆老原意清季與民國例本於一段畫爲二一以標一貫之旨一以明時代之別也是年冬有清諸傳志將脫稿民國事實已採訪竣事矣會政局變更經費告罄事遂中輟九仞之功虧於一簣良可慨已越三年紆老殂謝仲孝乾若亦相繼作古所有已輯未輯各稿咸存教育局附設之文獻委員會甲戌冬聶公滋軒來宰吾邑勞心民事昕夕弗遑歲餘簿書稍暇蒞會瀏覽覩紆老志稿喟然曰斯稿也採輯也甚難而散放磨滅也甚易今萃諸老之心血將底於成如不及時整飭付梓則老成凋謝彌難考徵脫有闕佚憾惋孰甚於是舊事重提決意續修除敦請疇曩分纂朱康二君外更邀李炳軒紀仁軒王子膺與

泰分任其事會議之時對總纂一席諸君謙讓未遑堅欲以不才相屬復承採訪諸君交口敦迫泰義不容辭勉爲承乏受命以來篤守紆老渠燠關於有清一段隨諸君後參互考訂越月而蕝事書內所列編纂採訪姓名僅限於庚午任事諸人新加入者從未冒列蓋不敢沒諸君之勞更不敢掠諸君之美也至於體例之訂定門類之分析與夫一切巨綱細目紆老序中言之綦詳而民國新志之因革損益當另爲文敘之均不贅陳

中華民國二十五年十月中旬邑人李泰寄菴識

續修大荔縣舊志存稿

凡例

一周志繼熊志增修相隔僅二十八年雖同治元年之回亂光緒三年之旱荒人民之罹鋒鏑經槁餓而死者指不勝屈然天下大局尙無恙也自周志告成迄今五十年矣此五十年中世運之屯遭風俗之變換老成耆宿之凋謝閭閻戶口之流亡時異勢殊益復無能思議加以清廷遜位民國肇基中原陸沈四海鼎沸一切可驚可愕可傷可憐之事皆於吾身親見之倘不隨時增輯更閱數年雖欲訂墜拾遺存十一於千百其可得乎茲幸北平陳少岩先生來蒞吾邑矜念時局不忍久聽銷沈敦請紳耆謀續周志標日薄西山衰病侵尋辭不獲已爰及分纂採訪諸君籌商數次自揣才力薄弱不足另立門戶故圖表志傳附以足徵錄四卷一切均